



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reginonis Abbatis Prumiensis Libri Duo De Ecclesiasticis
Disciplinis & religione Christiana**

Regino <Prumiensis>

Parisiis, 1671

52. De eadem re.

urn:nbn:de:hbz:466:1-14622

persolvant. Et si quis contemptor aut Comitis aut Missorum nostrorum propter hoc extiterit, sub fidejussoribus ad palatium venire compellatur.

Item de eadem re. *Ex Concilio Meldensi cap. LXII.*

L I. Hi qui ex rebus ecclesiasticis nonas & decimas persolvere & sarta testa Ecclesiæ secundum antiquam auctoritatem & consuetudinem restaurare debent, & hoc non solum neglegunt, verum & contemnendo dimitunt, atque Clericos fame & penuria afficiunt, ecclesiastica quoque ædificia dissolutione annulari permittunt, tamdiu ab ecclesiastica communione separantur usque dum diligentia emendare studeant quod socordia neglexerunt. Quod si iterum iteraverint, post excommunicationis satisfactionem, regia potestate compulsi, juxta legale & antiquum edictum: *Qui neglegit censum, perdat agrum.*

Item de decimis. *Ex Capitulis Karoli.*

Capitulare ad
Salz c. 2.

L II. De decimis ubi antiquitus fuerunt Ecclesiæ baptismales, & devotione facta fuit, juxta quod Episcopus ipsius parochiæ ordinaverit, omnimodis fiant donatae. Et si per donationes Regum aut ceterorum Deum timentium bonorum hominum ad episcopia seu monasteria aliquæ res delegatae sunt, & ex ipsis rebus antiquitus ad ipsas Ecclesiæ priores decimæ datæ fuerunt, ipsa antiqua donatio vel devotione firma & stabilis permaneat. Tamen ut iupræ diximus, decimas de ipsis rebus, quæ

DE ECCLES. DISCIPLINIS. 51
eas possidere videtur, persolvat.

Ne fœnum & annona & vinum mittatur in
Ecclesia. *Ex eodem capit. cXLII.*

LIII. Ut nullus Presbyter annonam vel fœnum aut vinum in Ecclesia mittere præsumat. [Vide *Theodulf. c. 8.* & *Ahyton. c. 21.*] Lib. 1. Capi-
tular. c. 150.

De eadem re. *Ex dictis sancti Augustini
Episcopi.*

LIV. In oratorio nemo aliquid agat nisi ad quod est factum fiat. unde & nomen accepit. Aut si fortè etiam aliqui propter horas constitutas, si eis vacat & orare voluerint, eis non sint impedimento qui ibi aliquid agendum putaverint.

Item alibi.

In oratorio præter orandi & psallendi Dei cultum penitus nihil agatur, ut nomini huic & opera jugiter impensa concordent. Regula Tar-
nat. c. 15.
Burchard. lib.
3. c. 80.

Item de eadem re. *Ex dictis sancti
Benedicti.*

LV. Oratorium hoc sit quod dicitur, nec ibi quicquam aliud geratur aut condatur. Regula S. Be-
nedicti. c. 52.
Burchard. lib.
3. c. 81.

Ut nullus in Ecclesia convivari præsumat.

Ex Concilio Carthaginensi.

LVII. Ut nulli Episcopi vel Clerici in Ecclesia conviventur, nisi fortè transeuntes hof-
pitij necessitate illic resideant. Populi etiam ab hujusmodi conviviis, quantum potest fieri,
prohibeantur. Burchard. lib.
3. c. 83.